

DEO OPTIMO MAXIMO UNI ET TRINO, VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA, QUOD LIBETARIIS DISPUTATIONIBUS

*manè discutienda in Scholis Medicorum, die Jovis vigesima-quarta
mensis Januarii, anno Domini M. DCC. LXXI.*

M. CLAUDIO-JOSEPHO GENTIL, Militarium
Nosocomiorum ad Regis exercitum Medico, Præsides.

*An actio vitalis a proportionē elasticitatis ad flexilitatem ? an animalis
a fabricā eminentiùs flexili & elasticā?*

I.



EC castissimis suis sacerdotibus veritas nuda se exhibet: etenim causa & qualitas rerum talis apparet, ut prior unitate captum omnem effugiat, & altera ob effectuum multipliciter se sub universo respectu contemplari recuset; quod dum pseudophilosophi dolerent, aut cavillarentur, sapientes in modum inquirebant, quo rerum naturam perscrutari intimiùs concedebatur.

2. Inter sagacissimos physicos excellunt Beccher, Stahl. Monstratam viam calcans claruit Boerhaavius magnus, & major, si tantorum virorum decenter satis meminisset. Vestigia hæc premere, quam opportunum, & sublime, quam verò & temerarium sit experior.

3. Animalis natura, ut ad finem medicum seu ad conservationem suam decenter exploretur, argumenti dignitas jubet; ut de eā omnis præconcepta opinio abjiciatur, & dum rem necdum intellectam studeamus assequi, non utamur, nisi his proprietatibus, quæ in illā incognitā re dantur, vel aliis olim absolutè demonstratis.

4. Hic commentū omnis oblii, an absolutus mineralis, vegetabilis & animalis limes constitutus sit, & quis caracter ab omni aliā animale substantiam definiat, accipites ordiamur à materiā & motu.

5. Qualitas materiæ certissima inhærens est impenetrabilitas. Motus verò præsupponit heterogeneitatem, quā mediante singula quæque materies ab aliā distinguuntur. Hæc simplicissima unius ab alterā materie distinctio, constituit elementum.

6. Motu elementum elemento cedit & materia est impenetrabilis. An hinc gravitas, coarctatio ? An hinc expansio, divisio ?

7. Materia non potest cedere, quin sit mobilis, cum materia sit impenetrabilis non potest cedere, quin sit etiam compressilis. Est de essentia materiæ, ut sub suâ compressione fiat molecularum elementarium approximatio; approximatio autem molecularum elementarium est ipsa proprietatum multiplicatio, ergo pro molecularum elementi mobilissimi approximationis modo, mobilitas multiplicatur. An sub aliquali multiplicatione mobilitatis, expansio ? An sub ulteriore divisio ? An sub ultimā materiæ comprimentis tanta immutatio, ut in principium, quod sensus attingit simplicissimum reducatur materia comprimens ? Tria hæc ignis actio demonstrat.

A



8. Ignis à compressione liber, sensus, sed non intellectum fugit, si quidem per ea quibus ignis se prodit, ultra perspicimus & concipimus, quod ignis sit elementum tenuissimum, cedens, mobilissimum, indivisibile, dilatans, dividens, potentissimum, ac indefinente quaquà versum motu in sibi aliena nitens. Hinc ceteræ materie remanent eæ proprietates, quibus gravis sit, fiat comprimens, dilatabilis, divisibilis. Hinc motus reciprocos. Sed ignis vis dilatans, dividens in actu non est, nisi compressione, & ita quidem, ut ignis vis, potentia pendeat ab ipso compressionis gradu. Ast unde hæc vis comprimens. » Tenebræ erant lux » per faciem abyssi & Spiritus Dei ferebatur super aquas, dixitque Deus fiat » lux, & facta est lux, dixitque Deus fiat firmamentum in medio aquarum & dividat aquas ab aquis, dixit verò Deus congregentur aquæ in locum unum & appareat arida, & vocat Deus aridam terram.

9. Sacras litteras venerabundi & attenti meditantes colligimus, quod dum dividerit omnipotens chaos, dum facta fuerit lux, & factum fuerit firmamentum, & apparuerit arida. Hæc qua elementum grave labens per ignem tenuiorem, levio-rem, fluidorem, mobiliorem, in illum vim ponderis intulerit, & motu, nisi ignis in ejus medium sic arida fuerit coacta & suspensa.

10. An hinc in spatio centrum? Immutabiles pressiois leges, miranda vis ignis id suadent, & ipse motus, cum per consensum omnium rerum innotescat, quod secundum qualitates suas materia moveri cogatur.

11. Effectus autem motus & finis est mutatio, mutatur ergò materies, atqui materies quoad ultimam simplicitatem suam mutari non potest: mutatur ergo quoad mixtionem, aggregationem & formam. Quidquod observatio continua materiam alterâ tenuiorem, mobiliorem, graviorem & crassioribus qualitatibus præditam, ergò & mixtionem, elementa & mixta in mixtis prodit & confirmat præter elementarem omnem substantiam ex contentâ & continente constatam esse. (*)

12. Continens autem non potest continere nisi materiam, quæ præsens vi propriâ penetrat, aut vi mutuâ impellitur, & tenuitate continenti se accommodare valet: atqui ignis ut materies tenuissima, levissima diffundi cogitur in adeo arctum continens, ut ignis solus illud permeare queat. Sic ignis cuius mixto inhæret, & cum mixto proportionato in continentia minus arcta penetrat. Sic ignis ubique præsentis, tenuissimi, potentissimi, maximè cedentis actio per gravitatem, per coarctationem, id est per motum gubernatur, & eum in finem, ut ignis ipse hac lege modificatus materiam perpetuò quoad mixtionem & formam immutet.

13. Sic vis vim superans aut in continens aut in contentum agit, & ita quidem ut vis unius elementi, mixti, alterius vi inminui, augeri imò & superari possit & debeat. Hinc quod universalis, quod peculiare, distincti à macrocosmo seu individuales motus ab elementis, mixtione, aggregatione & formâ oriuntur, haud unquam interruptâ serie evelli, materiæ qualitates secundum quas ipsa moventur pro fundamento veræ medicæ doctrinæ agnoscimus, & illas, ut certiores prosequamur ratione ipsius modi, aut medii, quo materia effectus suos exerit & manifestat, scilicet ratione motus, corpora perlustrabimus.

(*) Cor. sul. Beccher; Phys. Subterr... Stahl specim. Beccherian. ejusdem disquisit. de organicis & mechanici diversitate... Physiol. anat. de diversitate mixti & vivi de-
v. entitat. ... Paracels. ad aliena ab arte Medicâ arcenda... Boerhaav. de Art. Theor. ...
Prellavin Recherches sur les principes de l'animalité.

14. Ignis elementaris omnia continentis, quin reverberatione in eximiam agitationem aut in parallelismum cogatur, nulli effectus sub sensus cadunt: ignis enim omnia cava æquè facillè permeat, hinc non nisi cum aliâ materiâ combinatus præsentium & actionem prodit.

15. Ab igne & terrâ fieri possunt (8) impulsus, oscillatio & forsan immutatio. » Nonne ait *Boerhaavius* universa rerum natura igne utitur, ut instrumento principis, ad producenda ubique sua composita? Quid quæso nascitur compositi in animali, vegetanti fossili regno, quin igni dirigenti, ordinanti, componenti veram debeat originem? Sanè lenta & sedata ignis motoris actio causa videtur principis, quæ arduissimas adunationes semper & ubique efficit, usque adeò, » ut ambigi queat, num ignis magis serviat componendis, quam dissolvendis corporibus? Sanè utrumque efficit. «

16. De tertio elemento quis dubitare posset, nisi ad individuales motus & effectus necessitatem humiditatis perspexerit. Sed nisi humiditas sit qualitas resultans ab ignis & terræ combinatione, creata est aqua tertium elementum, sine quo ad componenda corpora ignis impar foret. Sed ut terra, sic aqua, sine igne iners, nec mirum, sine terrâ, sine aquâ ignis ipse nec potens, nec mobilis esset.

17. An à trium elementorum mixtione, coactione, combinatione aër principietur? Insolita quæstio opinioni repugnat, sed dum ratiocinio liceat prosequi materiam, quæ analysin physicam eludit, assertionem non ignis actioni, nec terræ, nec aquæ qualitatibus absconam affirmare conabimur.

Non sufficit ut materies aër nostrâ & ad sensus non ultrâ possit immutari, seu *principiari*, ut ea pro elemento habeatur, noscimus enim & corpora, quæ pro mixtis certò habemus, & quæ tamen nec immutari, nec ad magis simplicia reduci possunt.

Est essentialis elemento, ut quæ proprietates sub concentratione ultimarum molecularum multiplicentur, nulli alii materiæ tribui possint; atqui nulla datur aëris proprietates, quæ sub adunatione ejus multiplicatur, quin igni, terræ, aut aquæ conveniat, imò & à tribus illis mutetur, ergò aër non est elementum.

18. Cum *Beccherio* & *Stall* in specimine *Beccheriano*, an aër mixtionem ingrediatur? Dubitamus, aut rectius nos negamus, cum sub intimiore & maximâ adunatione ignis, terra, & aqua qualitatibus suis manifestiores fiant: aër autem sub ultimâ quam dicunt, volunt adunatione, fixitate, nullâ qualitate se prodatur. Falsa enim & inepta est conceptio de aëre, si per hunc intelligamus concentrationem & quietem molecularum ignearum, terræarum & aquearum.

Sed conceptui non repugnat, quod non fixus sed in principia resolutus aër regeneretur ex combinatione ignis & aquæ per calorem, per effervescentiam, per ebullitionem, id est per motum.

Et omni modo observatione dignum est, ut quo vehementior motus, eo plus aëris producat in vacuo ex mixtorum decompositione in quibus ignea & aquæ molecule abundant, & ita certò principium humidum videtur conferre ad aëris productionem, ut in vacuo post effervescentiam, combinationem acidi & alkali omnis aqua dispareat, & ex acidi & alkali combinatione exurgat corpus siccum & solidum. Nos saltem latent eas rationes, quæ vetant aërem considerare, quasi ens principiatum, quod necessariò exurgit in vacuo ex igne, aquâ & motu. Quod pro ratione ponderis & motus coarctatur, quod in aggregatum ruit, quod mixtum non ingreditur, sed ultimo motu, ultimâ mixtionis coarctatione resolvitur.

19. Sed his prolixius immorari nostræ disquisitionis jam non adeò interest,

quin securi ad elasticitatis investigationem revertamur, dum modò aquæ & aëris vires expansivas ab igne acceptas fateamur.

I I.

20. **A**QUA & aër, qua tales quo in arctiori continente coarctantur, eo major alterutrius vis expandens, verum & ita compertum est, quod pro exiguitate continentis talis abstracti, effectus determinatio relativa adeò exilis, ut etiam sub maximâ expansione suâ pro nullo haberi possit. Hinc effectus sensibilis determinatio coarctatam continentium multiplicationem & simultaneam contentorum rarefactionem postulat. Quod motus phœnomenon pro differentiâ gradus expansio, vel explosio audit. Ad elasticitatem verum ut expansio unius continentis in aliud agat, & hinc debita continentium aggregatio requiritur. Undè liquet confirmatum omnibus experimentis circa producta à motu universali, aut ab arte fabricata corollarium, quod corpora eò magis sint elastica, quò propius aquam aut aerem continentia artissime sibi incumbant.

21. Hinc minor elasticitas levioribus, minima ponderosioribus inest. In his quidè principia adeò pressa & cava in omni sensu adeò arcta coherent, ut nisi ignis elementaris illa penetrare & permeare possit. In levioribus verò cava nimis laxa sunt, aut tantum à se distant ut aquam aut aerem pauciori quantitate aut impuriorem contineant.

22. Cautâ inquisitione iterum observamus, quod elasticitalis gradus non adeò pendeant à mixtione contentorum, ab exiguitate continentium, nec quidem ab eorum numero, quin & earum formâ & dispositione singulariter modificentur. Quod vis sit eò forior, quò plùs distat motrix ab hypomochlio, edoctis forma & dispositio ad longitudinem desideratior ad elasticitatem videtur, quod ea sit alia & certa ratio diversæ reactionis corporum, quoque nos autopsia confirmat.

I I I.

23. **J**AM informatos de verâ & variâ reactionis causâ, quâ elasticitatis gradus ad vires determinantur, alia de elasticitatis diuturnitate sollicitudo nos implicat, etenim in hoc elasticitatis modo ineffabilem motus diversitatem, nec ullam tamen interruptam seriem, sed adeò lentam imminutionem reperiunt naturalistæ, ut incerti de quibusdam individuis, cui regno assignent: vix vel non inter se convenient, nos autem hic parùm de nomenclaturâ, classium reductione curantes, materiam motu prosequi pergimus.

24. Sine motu nulla est elasticitas, motus enim elasticitatis insimul est causa & effectus: motus autem materiam immutat, vel quoad continentia, contenta vel ad utraque, ergo & elasticitatem, ita quidem, ut etiam ad sensus in corpore impulsio elasticitatis ab elasticitate augmentum, continuatio, imminutio & cessatio, seu quies appareat.

25. Hinc experimentis in modos, quibus elasticitas pereat, restituetur, perennetur perscrutemur intenti.

26. Pro ratione cohesionis, pro intensione & iteratione motus impulsus continentium solutio imminet, imò & contingit. Solutione autem aggregatio, numerus & approximatio continentium imminuitur & destruitur, sic & elasticitas. Ubi autem corpus in ultimo elasticitatis augmento non mutatur, nisi ad materiz contentæ indolem, aut aliquid ad continentis fabricam; restituant elasticitatem ignitio, irroratio.

27. Nulla enim sine igne vis expansiva, itaque nec reactio, aqua autem (non elementaris, sed ea scilicet quam tangimus) principio humido flexilitatem, igneo vim expansivam communicat, principio terreo hanc incarcerat, tri-

plici sic & eximio modo elasticitati favet irroratio. Hinc ob abundans & arctum terreum principium ab ignitione elasticitas augetur in metallis & in vegetalibus quibusdam, in illis verò irroratione elasticitas quasi redintegratur, quæ principio gravitatis, coactionis, terreò nempe parum rariori constant.

28. Ad restitutionem & communicationem, sed non ad diuturnitatem elasticitatis hæc sufficiunt, quam ut eruamus in continuatione ipsarum concurrentium causarum elasticitatis, & sic in causâ continuationis quaerenda est.

29. An corpora perenni elasticitate vigentia ob immutationem & jacturam comparatâ reparatione indigeant? An in vegetantibus, elasticitas irroratione, adpositione restituatur & servetur?

30. An quo magis manifesta, diuturna elasticitas, immutatio & jactura, eò magis necessaria adpositio? An pro tali necessitate ea fabrica in individuo componatur, quæ materiem adponendam in tantum immutet ut ad reparationem apta fiat?

31. An quo magis varia in corpore & multiplex fabrica, eò plus a minerali per vegetans ad animale accedat? Id omnium corporum fabricæ relatio ad definitum usum suadet & confirmant universa observata. quod eo diuturniore elasticitate & exquisitoribus elasticitatis effectibus gaudeant individua pro requisitâ & exquisitiore varietate formarum.

32. Diuturniores quippè elasticitatis effectus & exquisitiores adeò luculenter occurrunt, & coincidunt in animalibus, ut pro suâ perfectione, indefinente quadam sed diversâ elasticitate per se moveantur, & ita quidem, ut ob essentiali suam & majorem perfectionem in iis non nisi proprio indefesso & consecutivo elastico motu conservatio obtineat & agatur vita.

33. Dum in Physicis effectus quadrent causis, in quo corpore animalitatis effectus eminent, in eo ejus continuationis causam inquirere oportet. Minare tu & nosce te ipsum. "Formavit Dominus Deus hominem de limo terræ."

"... Revertaris in terram de quâ sumptus es, quia pulvis es, & in pulverem » reverteris."

34. Medicus minantem oculis tui solutionem, interitum avertit, tanta est illius dignitas. O mortalis! non tuæ gratitudinis putes, dum in materiam & motum inquirat medicus, quin & primariæ utilitatis, necessitatis humanæ sit conservatori favere. Vel ubi verba animi sensum extendere nimis videantur anxio tibi, ne timeas. Hominem oriundum, viventem, moribundum & mortuum considerantes in minimis maximum, in ultimis primum invenimus. Quo felicius nos ipsos investigamus, quo intimiùs intuimur, eo certior primi motoris, creatoris evidens necessitas elucescit & quidem ut verbis sancti Basilii utar *accurata corporis nostri speculatio sufficienter nos manu deducit ad cognitionum Dei.*

35. In mortuo multam ac distinctam mixturem & formæ diversitatem Anatome & Chymia ostendit. In vivo varias apparentes & abstrusas functiones consideramus. A deterrimo errore alieni nullam instituemus analogiam de mixto, aggregato ad vivum, de cadavere ad hominem, quin potiùs per discrimina unus ab altero inductiones resumamus.

36. Interim si turpe & insidiosum est a crassis & mechanicis legibus vitales motus repetere, medicum non juvat, igitur nec animalitatem conceptibus metaphysicis implicare decet.

37. Hinc animalitatem non modo ab ipsâ formâ visibili, sed ab exillissimâ fabricâ, mixture, aggregatione motabili ac movente oriundam & conservandam nos accipimus.

38. Tali informatione imò per rudem mixtionis & aggregationis diversitatem contemplamur organa, ad peculiarem & universalem individui usum, finem, conservationem instructa.

39. Jam in ipsis organis prosequimur dispositionem, numerum, ordinem. Eorum contextus simplicissima, quam sensus attingit fabrica, sibi ipsi undique similis oblonga & valde exilis est, exilior ultima, & adeò, ut eam oculus armatus non inveniat, sed præmissa (20) & ratio talem affirmant, ut non nisi materies fluidior, dum viget in illà lateat.

40. Ad elasticitatem, cum absque fluiditate materiei contentæ nulla sit elasticitas, necesse est, ut ad eruptionem prona materies, tamen præiens semper adsit. Sed ut fluiditas est elasticitatis causarum una, sic mutatio est elasticitatis effectus. Hinc dum elasticitas perennatur, aut materia continens aut contenta immutatur. Hinc alia requiruntur media, quæ nifum materiæ contentæ compefcant, impendant fugam, reparationem adferant, aut continenti, aut materiæ contentæ.

41. An id præstet vinculum, quod fibræ investit gluten? An ab ejus mixtione & mole roboris ratio & diversio, actionis modificatio (22)? In quantum saltem pro diversis causis brevi & citius à se ipso differre videatur animal physiologi telæ cellulosæ plurimum ad scribunt.

42. Sed corpus ad extensionem aut ad imminutionem, ergo ad molem vinculi, glutinis copiam integris functionibus, imò in emolumentum sanitatis mutari potest, & rursus læsio ingens, mors nullo vinculi apparente detrimento testatur, quod alia sit elasticitatis, vitæ conservatrix causa, cujus mutatio, sublatio, si non ab ipsâ fibrarum mutatione pendeat, in aliâ non observabili mixtione, aggregatione, fabricâ & sic suspicanda sit in immutatione continentis valde exilis & contenti valde tenuis.

43. Interim nec ipsam dissuadent materiei in fibrâ contentæ mutabilitatem potens & tenuis sua indoles, nec explorata continentis principia. Etenim quod minori terreo principio conflata sit fibræ, aggregationis reductio in perpaucum pulverem confirmat. Insuper immediata & præceps post frigidæ, vini, spiritus modicâ dosi haustum resectio, ab odoribus alacritas, deliquium, resurrectio, dant argumenta, quorum æstimatione (dum ob exilitatem non materiæ ipsius, sed ingenii humani cunctas materiæ proprietates intelligere non possumus) non omnino recusare liceat, quod ipsissima fibræ ad contentum muteur & speciatim pro præsentia phlogistici, imò & pro aliâ mixtione materiei incumbentis mutari queat & debeat.

44. An verò animalis fibræ quoad fabricam continentem ubique eadem & tota immutata maneat? annueret exilitas. An hujus exilitatis consideratione, conceptui non absurdum, quod sub ipsâ in formulam fœtis impulsione omnis fibrarum quantitas simul & semel oriatur? An verò immane discrimen elephantis oriundi & post ultimum incrementum moribundi, & embrionis pulposa mollietis suadeat, quod pro reactione primarum moles successivo fibrarum ortu ad organisationem, ad animalitatem accedat?

45. An embrionis rudimentum indigestum à succo fœmineo? An sub infusione spermatîcâ impulsus & fibrarum ortus?

46. Ad primam suspicionem trahit elegans sub fermentatione palingenesis, animadversio altera stabilitur ab ortu & elasticitatis iteratione: requirunt enim communicationem materiei fluidioris & potentioris, itâ tamen comparatæ, ut continens nec vi destruat, nec ex illo, tenuitate suâ omnis aufugatur. Relatione, conditione tali luxuriare sperma evincit elaboratio sua, destinatio, res ipsa dictat.

47. Jam verò ignis halituosâ activam præsentiam in tenerrimâ formulæ substantiâ concipimus. Quod irruptum ad vivificationem spiraculum retinet, fiunt, sunt primæ maturi germinis fibræ. Quod enim plus quam una infimul oriatur ex dictis (20) patet, quod primæ in medio molis testatur experimentum, quo subtiliora, activiora, dum æquabilis & idonea moles undeque obvolvitur in centro observamus. Hinc prima reactio in oriundo corde, hinc *cor primum vivens*, emminentius flexile & elasticum, hinc *ultimum moriens*. Præsens autem energia spermatica, quam reactionis motus jam juvat, reliquas in rudimento ad delineationem pergit fabricare fibras.

48. Omne elasticum corpus, quo plus aqueo, quo plus igneo, & quo minus principio terreo abundat eo flexilior, & sibi mobilior. An hinc in fœtu, & nato arteriarum frequentior pulsus? Vasorum succedens apertura? Sensus perfectibilitas, perfectio? An propterea sub incremento fibrarum ulterior fabrica? An simplex fibræ elongatio? An unum de ambobus evenire postulet, jubeat elasticitatis immunitio pro fibrarum distantia (20) & augmentum tamen sub incremento robur? Ultimo non repugnat systema glandulosum nati, per annum & ultra ovalis aggeries, ætate infantili post febrim staturæ in longitudinem extensio.

49. Sed dum contenta & continentia immutantur, requiritur reparatio, & eò promptior, quo aut materiei contentæ aut vinculi investientis, glutinis, halitus defectus citior aut minor ejus ad investiendum aptitudo.

I V.

50. Q UOD materies contenta instauretur, reparetur, per diversa organa, quod multiplex, ingestio, digestio, & egestio, circulatio, secretio, quod hæc functiones propter adpositionem celebrentur, sic & verum est, quod adpositio ad elasticitatem, conservationem, quod sic & ipsa sensibilitas ab elastico motu & propter illum data sit.

51. Materia alibilis organorum actione movetur & fluit, ut ad ulteriorem immutationem tempestivâ & continuâ serie secernatur. Succedit autem varia hæc immutatio & secretio materiæ alibilis pro diversâ mixtione, intensione motus, vasorum numero, ordine, formâ & serie luminum, ætate, sexu individui. Sed hac ipsâ immutatione, secretionem maxime necessariâ, quâ debitam crasin, energiam pro peculiari fine & usu materia alibilis acquirit, pars ejus aliqua inepta fit ad ulteriorem nutritionem & quâ talis ad perversionem prona, ne noceat, eliminatur. Hunc in finem ea vasis sensibilitas propria est, ut ultra incommodum noxia non admittant. Hoc organismo cui instinctus & idiosyncrasia legitime referuntur, excernenda protrudit & expellit ipsa ea vis, quæ solida & fluida movens & urgens, horum indole, fabricâ, reactione modificatur, & perennatur.

52. Præter anastomosin est alia vasorum communio, quâ pro peculiari mixtione & energiâ quilibet humor in sibi accommodatam telæ cellulosæ fabricam penetrat. An fluidum ex his cellulis non redire possit in illa vasa è quibus effluxerit? An in vasa venosa & majoris diametri penetrare, fluere cogatur? Suadent arteriarum motus propulsivus, venarum vis inhalans. An lex eadem valeat ad circulum fluidi nervei? Suadent etiam ejus determinatio perpetua ad motus vitales perennandos, & distinctus ordo motuum animalium.

53. Tanta est necessitas hujus fluidi, & ordinatæ ejus determinationis, ut pro interreptione & irregularitate communicationis, motuum, sensuum perturbatio,

idearum confusio , immobilitas & ipsa mors insequatur pro interceptionis situ ; & pro dignitate organi læsi (*).

54. Vasa quibus ad organa amandatur fluidum nerveum adeò arctâ fibrarum cohesione fabricata sunt , ut fluidum valdè potens & tenue vehere valeant. Hinc fluidum nerveum ipsam fibram non penetrat , sed tenuitate requisitâ ad usum & destinationem in minimis strictissimâ membranâ obvolutis cellulis , quibus per artissima fibras investientia strata communicat , continetur.

55. An fluidum in fibrâ retineatur fluido nerveo ? An humidum fluido nerveo subtilius fibram irroret ? An adeò tenue , potens ut in fibram penetret ? An per somnum laxis & presertim post defatigationem exsuccis & flaccis musculis hic ros tenuissimus energicâ humiditate reparet materiam ad diurnitatem reactionis necessariam ? Quod , si reverâ contingat , cognoscimus veras causas ob quas motus muscularis , exercitium decens vires post somnum instauratas alacriter augeat. Elasticitati enim maximè favet attractio , irritatio , combinatio ignei principii cum rore humidissimo. Interim speramus , quæstiones nostras non displicere illis , qui per demonstrata in tenebris quærunt abscondita.

56. Quod verò fluidum nerveum retineat & conservet halitus pinguis , quem sanguis circularis continuò suppeditat , patet ex eo quod ad motum , ad sensum sanguinis influxus in tantum valeat , ut ab ipso animalitas & vita pendeant.

57. Hinc , quanta fiat ab exercitiis & vitæ normâ , & quam mirabilior varia & subita à pathematibus immutatio , perspicimus , cum ad motum & sensum cæteri cum fluido nerveo humores concurrant.

58. An sensus , sensibilitas à vasis ? An à minimis ? Suadet pro vasorum aperturâ infantilis perfectibilitas , Senectus ab omni perfectione recedens pro vasorum obliiteratione.

59. An sensibilitas , sensuum effectus à tensione vasorum ? An tensio ab influxu fluidi nervei ? Suadent nervorum origo & terminus , cerebri organizatio , universalis œconomia , sensuum acuties , eminentiores mentis operationes à moderatè assumptis spirituosis & cæteris vi expansivâ pollentibus , aut vim expansivam in actum cientibus , denique phænomenon diversitas post sectiones

(*) Mense Aprili 1763. Thannis mulierem vidi , cui terriam cervicis vertebrae lapsus infelix e loco dimoverat , ut digito premente facile observavi. Huic exindè , difficilis exilis respiratio , pulsus nullus , oculi torvi , oris hiatus. Nullus à motu linguae sonus , artus immoti , nec admoro ad suram igne sensibiles. Dum digito vertebrae luxatam compressi , amplam egir mulier inspirationem , quam compar inspiratio subsequuta est. Anxietas interea cordis , pulmonum , ideoque capitis ingurgitationem denuntiavit , phlebotomia indicabat. E venâ sanguis stillabat primò , mox pleno erupit lumine. Indè depletis corde & pulmônibus , facilius , vehementiorque , simul habita fuit respiratio , vehemens etiam oculo iudice cordis motus. Sed capitis vasa , non ita facile sanguinem nimium expulere , ut sequentibus patet. Dum apto vinculo luxatam vertebrae Chirurgus restituerit , membra movit mulier , gravèque ad suram , quasi ab unctione doluit , mox risu , cecinit & jocose deliravit , furibunda dein surrexisset , nisi in lecto fuisset coercita. Iteratâ tunc phlebotomiâ , manus & tempora ocytrato adpersimus. Duobus ab hinc horis obdormivit delirans in somno. Post sonnum trihorii placida refrigerans enema accepit. Postridiè propinatum fuit evacuans antiphlogisticum. Quartâ die sanguinis missio ob cephalalgiam & statum plethoricum tertiâ & ultima vicè instituta fuit. Usque ad quintum diem diætæ severæ obtemperans multum dilutioris limonade hausit mulier nostra.

Octavâ die optimè habuit , & nunc ut ante casum suis functionibus apta valet.

longitudinales & laterales, compressio nervi. Sed tensionem nervi determinat actio cerebri; cerebelli, eam modificant fabrica, actio organi, in quod nervus terminatur & ipsa nervi insertio.

60. An ad opinionem Celeberrimi Astrucii cuilibet ideæ suum vas, sua fibra? Valdè probabile id est, cum memoria, ratiocinatio videantur oriri, & certò modificationem, pro objectorum impressione, repetitione & pro individuali dispositione.

61. Dum functiones vitales, animales ad conservationem humanam, ad usum medicum perpendimus, non ulterius monendum videtur, quod alia animalis conditionis consideratio, quam illa, quâ omnis motu absolvitur nec juvet, nec deceat: sed ad propositi nexum & seriem subiciamus aliquam præmissorum synopsim.

62. Fluida moventur in circulum & per organa, ut misceantur, elaborentur, conserventur, sed motus, qui miscet, elaborat, conservat, etiam ipse decomponit, dissipat, destruit. Hinc requiritur reparatio. Hinc ingestio, interpositio, digestio, chylicatio ad sanguificationem, sanguificatio ad reparationem aliorum humorum, quorum quidam sanguinis circulum liquidi miscelâ, alii energiâ peculiari promouent. Sanguinis autem circulus promouetur ad reparationem, conservationem fluidi nervei. Hoc reparatur, conservatur ad elasticitatem & sensibilitatem. Elasticitas, sensibilitas ad functionem continuationem, incolumitatem. Sic organismus, sic vita, sic natura motus est, sic perpetuus circulus perpetuâ flexilitatis, elasticitatis, motûs modificatione absolvitur.

V.

63. **I**GITUR ut in macrocosmo sic in omni vivo motus à motu, sic ignis (12.—24.) ab igne. Moderant motum & ignem, imò & inobservabilem faciunt aqua & terra, sed non adeò generaliter, quin sæpius etiam, aquæ aut terræ micelâ motus & ignis augeantur & sensus magis offendant.

64. In quâ parte major motus, pro gradu suo motus major intenditur, sic & ignis & materies mobilior pro motûs gradu attrahitur aut irrui, sequuntur inde immutationes materiei secundum propriam indolem & alterius affluentis mixturem: irrui autem vel attrahitur ignis aut ex diversimodè ingestis, aut ex alio organo: inde augmentum, diversio, inæqualitas roboris & roboris cessatio.

65. Inde organum in quo pauca est tela cellulosa, in quo vasa & fibræ abundant pro ratione decentis exercitii energiâ & formâ augetur. Sed tela cellulosa ubi liberior luxuriat, ibi ipsâ quiete ampliatur: etenim fibrarum imminutâ actione humorum appellentium influxum minùs cohibere capax est, dum illa omnem vim reactivam à fibris accipiat.

66. Inde concipimus causas, quibus quodlibet organum se gerat pro ratione mixturem & agregationis suæ, quibus producantur diversa phænomena, pro ratione ætatum, pathematum, exercitationis, &c.

67. Inde ob velox & æquale totius corporis exercitium elegans & procera militis statura, inde ab operis specie singularis opificis habitus.

68. Inde acuantur facultates mentis pro exercitio cerebri, inde pro reiteratione & energiâ pathematum physiognomia.

69. An agilitas in parvioribus, robur in quadratis, flexilitas in gracilioribus à fabricâ fibrosâ aut cellulosâ? An terminus incrementi ab illo extensibilitatis fibrarum, an à termino incrementi telæ cellulosæ? Dubia hæc solvit cellularis configuratio ad modum & directionem fibræ, & ad molem mutabilitas cellularum omni ætate subita & frequens.

70. Qui abstrusa exponit, & brevis esse laborat, obscurus fit. Licet moniti huius non satis memor fuisse videar, dum de certioribus & præcipuis materiæ qualitibus, de mixtione & aggregatione animali, de effectibus & fine motus dislicerem, quos veræ medicæ meditationes delectant, æstimaturos puto, quod exhibuerim specimen, ex quo sequentia invictè deducuntur corollaria.

COROLLARIUM PRIMUM.

Illius individui magis perfectæ sanitas viget, in quo magis æqualis motus & cuilibet ejus organo ad indolem & usum æquilibrata est ignis distributio.

I I.

Per medietatem ætatis impulsus ad reactionem æquabilis est proportio & sic firmiores & similiores ipsis vitæ sensus & sensuum effectus.

I I I.

In motibus mechanicis effectus impulsione semper minor est suâ causâ: ad motum verò macrocosmi & microcosmi requiritur ut sub definitâ modificatione effectus impulsione æqualis sit suæ causæ. Hinc evidentem mechanismi & organismi diversitatem discernimus.

I V.

Exigua est motus animalis ad motum macrocosmi proportio (20), sed pro motus organici immutatione macrocosmi motus in individuum potentius agit, sic motus, qui igne terrâ, aquâ & variâ illorum combinatione vivificat & conservat his ipsis instrumentis corpora disjungit & dissolvit.

V.

Ut universa mutantur, agnovimus (11, 40) immutabilem legem, quâ oriamur, componamur, eâ intereamus & solvamur voluit immutabilis supremus conditor & arbiter.

V I.

Hæc lege, ut ad vitæ & illius phænomenon perfectionem, accedimus ab eâ recedimus.

V I I.

Ad perfectionem organicam progressus fit à principio aqueo actione ignis modificato. Recessus ob adpositionem ab allato & remanente principio terreo. Primum aquæ proprietates (15. 16. 48.) actio ignis, & ultimum probat flexibilitas minor pro abundantia principii terrei, & hinc pro eâ ratione intensior elasticitas, motus durior, segnior, & ob defectum aquæ in duritiem, citior immutatio. Tandem pro minori flexibilitate, segniori, intensiori elasticitate frequentia motus numero rarior, tardior, ab infrequentia motus vis inertiae aut principii gravitatis in centrum tensio major.

V I I I.

Ex his jam eruimus causas, ob quas de precoci & eminentissima sensuum acutie non congratulandum, ob quas ab inversâ ratione non rara sit debiliū longævitæ, ob quas vasa, tendines, cartilagine ad osseam substantiam accedant,

I X.

Homo annorum aut restius proprio pondere jam incurvatus in ipsâ vitâ & per leges, quibus vixit & vivit in terram gradatim revertens, imminutione flexilitatis, de sensibilitate amittit, organico, innato motu minus, segnius, tardius movetur, moveri tandem definit.

Ergo ælio vitalis à proportionem elasticitatis ad flexilitatem, & animalis à fabricâ eminentius flexili & elasticâ.

DOMINI DOCTORES DISPUTATURI.

M. Natalis — Nicolaus
MALLET.

M. Marinus-Jacobus-Clarus ROBERT, S. Ducis
Bipontini Archiater nec-
non à Consiliis & Secre-
tis.

M. Joannes — Stephanus
GUETARD, Regiarum
Academiarum Parisiensis
Rupellensis Florentinæ &
Stokolmiensis Socius Cen-
sor Regius & Historiæ Na-
turalis Musæi Serenissimi
Ducis Aurelianensium Ca-
flos.

M. Franciscus Ludovicus-
Thomas DONGLÉE.

M. Maximilianus-Josephus
LEYS.

M. Natalis-Maria DE GE-
VIGLAND, Regiorum in
Germaniâ Ducum & Militum
Nosocomiorum nuper
Medicus, Gallico idiomate
Chirurgiæ Professor designatus.

M. Guillelmus FUMÉE.

M. Joannes DESCOMET,
Censor Regius & Scho-
larum Professor.

M. Franciscus-David HE-
RISSANT, Regiæ Scien-
tiarum Academiæ, Re-
giæque Societatis Londi-
nensis Socius.

Proponebat Parisiis PHILIPPUS-ALEXANDER BACHER, Thannensis
Alfata, Saluberrimæ Facultatis Medicæ Parisiensis Baccalaureus,
Thescos Author, A. R. S. H. 1771. A SEXTA AD MERIDIEM.